

《太上玄靈北斗本命延生妙經》

開經玄蘊咒

寂寂至無宗。虛峙劫仞阿。豁落洞玄
文。誰測此幽遐。一入大乘路。熟計
年劫多。不生亦不滅。欲生因蓮花。¹
超凌三界途。慈心解世羅。真人無上
德。世世為仙家。

恭請

北斗九皇賜福星君寶誥 志心皈命

禮。(三稱)

開明三景。迴度五常。為造化之樞機。
作人神之主宰。宣威三界。統御萬靈。
判人間善惡之期。司陰府是非之目。
能解一切罪。攝伏諸魔精。大悲大願。
大聖大慈。

中天大聖。北斗九皇賜福星君。

△北斗延生寶誥▽

尊居北極。位正中天。朝金闕而覆崑

崙。運璇璣而行造化。

群生元命。悉歸陶鎔之德。九州分野。總屬照臨之恩。

何災不滅。何福不臻。大悲大願。大聖大慈

中天大聖北斗九皇。上道七元解厄星君。延生保命大天尊

〈開經讚〉

北斗九皇。位冠五方。人神主宰煥星

光。調理紀和綱。

聖德難量。賜福頌無疆。

皈命。北斗賜福大星君。(三稱)

〈開經偈〉

仰啟中天聖。尊居北斗垣。宣威司

造化。垂象制乾坤。

廣設皈依路。大開解謝門。延齡與

度厄。持誦各霑恩。

敬誦

太上玄靈北斗本命延生妙經

爾時太上老君。以永壽元年。正月七日。在太清境上。太極宮中。觀見眾生。億劫漂沉。周迴生死。或居人道。生在中華。或生夷狄之中。或生蠻戎之內。或富或貴。或賤或貧。暫假因緣。墮於地獄。為無定故。罪業牽纏。魂繫陰司。受苦滿足。人道將違。生居畜獸之中。或生禽蟲之屬。轉乖人

道。難復人身。如此沉淪。不自知覺。為先世迷真之故。受此輪迴。乃以哀憫之心。分身教化。化身下降。至於蜀都。地神湧出。扶一玉局。而作高座。於是

老君昇玉局座。授與天師真人。北斗本命經訣。廣宣要法。普濟眾生。是時

老君告天師曰：

人身難得。中土難生。假使得生。正
法難遇。多迷真道。多人邪宗。多種
罪根。多肆巧詐。多恣淫殺。多好群
情。多縱貪嗔。多沉地獄。多失人身。
如此等緣。眾生不悟。不知正道。迷
惑者多。吾今哀見。此等眾生。故垂
法教。為說良緣。令使知道。知身性
命。皆憑道生。了悟此因。長生人道。
種子不絕。世世為人。不生無道之鄉。

不斷人之根本。更能心修正道。漸入
仙宗。永離輪迴。超昇成道。我故示
汝妙法。令度天民。歸真知命。可以
本命之日。修齋設醮。啟祝
北斗。三官五帝。九府四司。薦福消
災。奏章懇願。虔誠獻禮。種種香花。
時新五果。隨世威儀。清淨壇宇。法
天象地。或於觀宇。或在家庭。隨力
建功。請行法事。功德深重。不可具

陳。念此

大聖北斗七元真君名號。當得罪業消除。災衰洗蕩。福壽資命。善果臻身。凡有急難。可以焚香誦經。剋期安泰。

於是說大聖北斗解厄應驗曰。

大聖北斗七元君。能解三災厄。

大聖北斗七元君。能解四煞厄。

大聖北斗七元君。能解五行厄。

大聖北斗七元君。
大聖北斗七元君。
大聖北斗七元君。
大聖北斗七元君。
大聖北斗七元君。
大聖北斗七元君。
大聖北斗七元君。
大聖北斗七元君。
大聖北斗七元君。

能解六害厄。
能解七傷厄。
能解八難厄。
能解九星厄。
能解夫妻厄。
能解男女厄。
能解產生厄。
能解復連厄。
能解疫癘厄。

大聖北斗七元君
大聖北斗七元君
大聖北斗七元君
大聖北斗七元君
大聖北斗七元君
大聖北斗七元君
大聖北斗七元君
大聖北斗七元君
大聖北斗七元君

能解疾病厄
能解精邪厄
能解虎狼厄
能解蟲蛇厄
能解劫賊厄
能解枷棒厄
能解橫死厄
能解咒誓厄
能解天羅厄

大聖北斗七元君。能解地網厄。
大聖北斗七元君。能解刀兵厄。
大聖北斗七元君。能解水火厄。
於是七元君。大聖善通靈。濟度諸
厄難。超出苦眾生。
若有急告者。持誦保安平。盡憑生
百福。咸契於五行。
三魂得安健。邪魔不能停。五方降
真炁。萬福自來駢。

長生超八難。皆由奉七星。生生身
自在。世世保神清。

善似光中影。應如谷裏聲。三元神

共護。萬聖眼同明。

無災亦無障。永保道心寧。

老君曰。

北辰垂象。而眾星拱之。為造化之樞
機。作人神之主宰。

宣威三界。統御萬靈。判人間善惡之

期。司陰府是非之目。

五行共稟。七政同科。有迴死注生之功。有消災度厄之力。

上至帝王。下及庶人。尊卑雖則殊途。

命分俱無差別。凡夫在世。迷謬者多。

14

不知身屬北斗。命由天府。有災有患。不知解謝之門。祈福祈生。莫曉歸真之路。致使魂神被繫。禍患來纏。或重病不痊。或邪妖剋害。連年困篤。

累歲迍邐。塚訟徵呼。先亡復連。或上天譴責。或下鬼訴誣。若有此危厄。如何救解。急須投告

北斗。醮謝真君。及轉真經。認本命星君。方獲安泰。以致康榮。更有深妙。不可盡述。凡見

北斗真形。頂禮恭敬。咒曰。天靈節榮。願保長生。太玄之一。守其真形。

五藏神君。各保安寧。急急如律令。
聖母紫光天后。
太極天皇大帝。
北極紫微大帝。 擎羊聖者。 陀羅聖
者。
北斗第一天樞宮。 陽明貪狼太星君。
子生人屬之。
北斗第二天璇宮。 陰精巨門元星君。
丑、亥生人屬之。

北斗第三天機宮。真人祿存真星君。
寅、戌生人屬之。
北斗第四天權宮。玄冥文曲紐星君。
卯、酉生人屬之。
北斗第五天衡宮。丹元廉貞綱星君。
辰、申生人屬之。
北斗第六闔陽宮。北極武曲紀星君。
巳、未生人屬之。
北斗第七瑤光宮。天衝破軍關星君。

午生人屬之。

北斗第八洞明宮。外輔星君。

北斗第九隱光宮。內弼星君。

上台虛精開德星君。

中台六淳司空星君。

下台曲生司祿星君。三台生我來。三

台養我來。三台護我來。

如是真君名號。不可得聞。凡有見聞。

能持念者。皆道心深重。宿有善緣。

得聞持誦。其功德力。莫可稱量。若
正信男女。值此真文。智慧性圓。道
心開發。出群迷逕。入希夷門。歸奉
真宗。達生榮界。

於三元八節。本命生辰。北斗下日。
嚴置壇場。轉經齋醮。依儀行道。其
福無邊。世世生生。不違真聖。不入
邪見。持經之人。常持誦
七元真君所屬尊號。善功圓滿。亦降

吉祥。

即說咒曰。

北斗九辰。中天大神。

上朝金闕。

下覆崑崙。

統制乾坤。

大魁貪狼。

調理綱紀。

武曲破軍。

高上玉皇。

文曲廉貞。

紫微帝君。

何災不滅。

大周天界。

細入微塵。

何福不臻。
元皇正炁。
晝夜常輪。
俗居小人。
永保長生。
三台虛精。
護我身形。

來合我身。
天罡所指。
好道求靈。
願見尊儀。
六淳曲生。
生我養我。

○密咒

魁、勺、歡、行、畢、甫、漂、**尊帝**
急急如律令（密咒七字缺原字，音讀
勿出聲）

老君曰。凡人性命五體。悉屬本命星
官之所主掌。本命神將。本宿星官。²²
常垂蔭佑。主持人命。使保天年。凡
俗無知。終身不悟。夫本命真官。每
歲六度。降在人間。降日為本命限期。
有南陵使者三千人。北斗真君七千神

將。本命真官降駕。眾真悉來擁護。可以消災懺罪。請福延生。隨力章醮。福德增崇。其有本命限期將至。自身不知。不設齋醮。不修香火。此為輕生迷本。不貴人身。天司奪祿。減算除年。致多夭喪。迷誤之者，雖遇經訣。懷不信心。毀謗真文。如此之人。身謝之後。淪沒三途。漂沉六趣。永失人身。深可悲哀。自致斯苦。若本

命之日。能修齋醮。善達天司。一世
於本命限期。開轉真經。廣陳供養。
使三生常為男子身。富貴聰明。人中
殊勝。其有生身果薄。雖在人中。貧
窮下賤。縱知本命。無力修崇。能酌
水獻花。冥心望北斗。稽首禮拜。念
本命星君名號者。亦不虛過。本命限
期。皆得延生注福。繫屬人身。災厄
蠲除。獲福無量。天師歡喜踊躍。作

禮讚歎。難可得遇無上法橋。

老君重告天師曰。

世人罪福善惡。皆屬天司。懺罪消災。莫越修奉。遇本命生辰。告身中元辰。驛馬。削落三災九厄。保見令眷屬安寧。凡有上士。於本命生辰。持此真文者。外伏魔精。內安真性。功霑水陸。善及存亡。悔過虔恭。漸登妙果。重立玄功。證虛無道。乃得聖智圓通。

隱顯莫測。出有人無。逍遙雲際。昇
入金門。與聖合真。身超三界。永不
輪轉。壽量無窮。快樂自在。
凡有男女。於本命生辰。及諸齋日。
清淨身心。焚香持此真文。自認北斗²⁶
本命所屬星君名號。隨心禱祝。善無
不應。災罪消除。致感萬聖千真。俱
來衛護。此文所在之處。千真敬禮。
萬聖護持。魔鬼潛消。精靈伏匿。世

有災殃。悉皆消滅。

是名《北斗本命延生經訣》。乃修真之徑路。得道逍遙。皆因此經。證聖成真。皆因此經。出離生死。皆因此經。保護男女。皆因此經。保命延年。²⁷皆得自在。永為身寶。福壽可稱。保而敬之。非人勿示。老君說經將畢。龍鶴天仙來迎。還於玉京。是時天師受得妙法。而作是言。誓願流行。以

傳善士。若有男女。受持讀誦。我當
與十戒仙官。所在擁護。於是再拜
老君。而說讚曰。

家有北斗經。本命降真靈。
家有北斗經。宅舍得安寧。
家有北斗經。父母保長生。
家有北斗經。諸厭化為塵。
家有北斗經。萬邪自歸正。
家有北斗經。營業得稱情。

家有北斗經。闔門自康寧。
家有北斗經。子孫保榮盛。
家有北斗經。五路自通達。
家有北斗經。眾惡永消滅。
家有北斗經。六畜保興生。
家有北斗經。疾病得安痊。
家有北斗經。財物不虛耗。
家有北斗經。橫事永不起。
家有北斗經。富貴福壽增。

家有北斗經。長保亨利貞。

老君曰。善哉善哉。汝可宣揚正教。
普濟世人。福利無邊。永霑勝善。是
時天師再拜
老君。流傳此經於世。廣垂濟度。勿
示非人。戒慎之焉。

〈回向文〉

北斗七星。玉真仙靈。貪狼巨門。
保生長生。

祿存文曲。
使生聰明。
廉貞武曲。

衛生安寧。
護生身形。
常居吉慶。

破軍輔弼。
護生身形。
常居吉慶。

永處福齡。
勾落死名。
神清炁爽。

注上生籍。
勾落死名。
神清炁爽。

洞達幽冥。
群妖摧傾。
學道修真。

禦邪攝鬼。
群妖摧傾。
學道修真。

伏願遂成。
飛昇紫庭。

七元覆護。
飛昇紫庭。

生某（下情）、無任感恩荷聖。激切
懇禱之至。

《太上玄靈北斗本命延生妙經 終》

〈完經讚〉

中天大聖。北斗玄冥。七元解厄善通
靈。集福並延齡。

願見真形。頂禮獲康寧。皈命
北斗賜福大星君。（三稱）

《北斗經終》

〔北斗出遊之日〕

| | |
|----|-------------|
| 正月 | 廿五、廿六 |
| 二月 | 初三、初七 |
| 三月 | 廿六 |
| 四月 | 十一、廿五 |
| 五月 | 初五、十二、二十 |
| 六月 | 初八、廿四 |
| 七月 | 初四、廿四 |
| 八月 | 初二、十一、十九、廿七 |

九月初三、十八
十月初一、初九
十一月初六、廿六
十二月初二